

# Neu re ki koak

Itzali zaizkit beti-betiko  
gau ozkarbian izarrak...  
Ez ditut berriz nik ikusiko  
euren dizdira ederrak!

Urrutirik ez; ingurua motz;  
laño artean argia...  
guzia nabar begien lausoz  
ene Goiko Jaun aundia!

Aiendu zaizkit itxas-mugetan  
ikusten nitun ontziak,  
egun garbian euzki galdatan  
dizt-dizt dagiten pitxiak.

Ikusi ezin an gallurreko  
kurutzearen besoak,  
igerri ezin ekaitz osteko  
intzirkiaren margoak.

Itxas-mendarte batutxo baten  
ni jaiō nintzan txokoa,  
illundua zait bere egalunen  
orlegi iraunkor gozoa.

Enaratxuak non ote aurtan  
urteoroko kabia?  
Tellatupean? Ez det ikusten  
maitien detan txoria!

Udaberrian ase oi nintzan  
izadiaren ederrez,  
oraindik dakust sarritan  
oroimenaren indarrez.

Ikusten ditut, bai, eder dan beste  
usaintzen dedan lorea,  
ta magalean aspertu gabe  
maitatzen dedan umea.

Pozik nintzake onenbestekin  
ene Jaun eta Jabea!  
baña naiz otoitz itxu ez nadin,  
Zure naia da nerea.

**TENE**